

Lembaran Pendedahan Produk

(Baca Lembaran Pendedahan Produk ini sebelum Anda membuat keputusan untuk membeli Polisi Insurans Kemalangan Diri Berkelompok. Pastikan Anda juga telah membaca terma-terma dan syarat-syarat am.)

Disediakan untuk: _____

Tarikh Cetakan: _____

Penyedia Khidmat Kewangan : Allianz General Insurance Company (Malaysia) Berhad ("Allianz"/" Kami")
Nama Produk : ParkInsure
Nama Pemegang Polisi : Touch 'n Go Sdn Bhd

1. Apakah produk ini?

Produk ini menyediakan pampasan sekiranya berlaku kematian atau hilang upaya kekal yang disebabkan oleh kemalangan.

Tempoh perlindungan bagi Orang yang Diinsuranskan adalah selama satu (1) bulan.

2. Apakah perlindungan/faedah yang disediakan?

FAEDAH-FAEDAH	JUMLAH DIINSURANSKAN (RM)
Kematian	70,000
Hilang Upaya Kekal (sehingga)	
Kehilangan/Kerosakan Kepada Barangan Peribadi (sehingga)	
i) Ragut atau percubaan meragut;	1,500 (setiap satu)
ii) Pecah masuk secara paksaan dan menggunakan kekerasan ke dalam kenderaan Orang Yang Diinsuranskan	
Penjagaan Kunci Kereta (sehingga)	
i) Ragut atau percubaan meragut;	100
ii) Pecah masuk secara paksaan dan menggunakan kekerasan ke dalam rumah Orang Yang Diinsuranskan	
Kehilangan Kad NFC Touch 'n Go (sehingga)	
i) Ragut atau percubaan meragut;	10
ii) Pecah masuk secara paksaan dan menggunakan kekerasan ke dalam kenderaan Orang Yang Diinsuranskan	
Elaun Pengangkutan (sehingga)	200

Peratusan Jumlah Diinsuranskan Perlu Dibayar untuk Kematian atau Hilang Upaya Kekal:

SKALA FAEDAH	PERATUSAN (%) JUMLAH YANG DIINSURANSKAN
Kematian	100%
Hilang Upaya Kekal	
Hilang dua anggota	100%
Hilang dua anggota tangan atau kesemua jari tangan dan ibu jari	100%
Hilang penglihatan kedua-dua mata	100%
Lumpuh sepenuhnya dari leher ke bawah	100%
Kecederaan yang mengakibatkan terlantar kekal di katil	100%
Hilang tangan hingga ke bahu	100%
Hilang tangan di antara bahu dan siku	100%
Hilang tangan hingga ke siku	100%
Hilang tangan di antara siku dan pergelangan tangan	100%
Hilang tangan hingga pergelangan tangan	100%
Hilang kaki	100%
- di pinggul	100%

	- di antara lutut dan pinggang	100%
	- di bawah lutut	100%
Mata : Hilang	- keseluruhan penglihatan	100%
	- semua penglihatan di sebelah mata	100%
	- semua penglihatan kecuali persepsi cahaya	50%
Kehilangan empat jari (kecuali ibu jari) dan ibu jari disebelah tangan		50%
Kehilangan empat jari (kecuali ibu jari)		40%
Hilang ibu jari	- kedua-dua ruas	30%
	- satu ruas	15%
Hilang jari telunjuk	- tiga ruas	15%
	- dua ruas	10%
	- satu ruas	5%
Hilang jari hantu	- tiga ruas	8%
	- dua ruas	5%
	- satu ruas	3%
Hilang jari manis	- tiga ruas	6%
	- dua ruas	5%
	- satu ruas	3%
Hilang jari kelengkeng	- tiga ruas	5%
	- dua ruas	4%
	- satu ruas	3%
Hilang metakarpal	- pertama atau kedua (tambahan)	4%
	- Ketiga, keempat atau kelima (tambahan)	3%
Hilang jari kaki	- kesemua (setiap satu kaki)	20%
	- besar, kedua-dua ruas	8%
	- besar, satu ruas	3%
	- selain yang besar, jika lebih daripada satu jari kaki, setiap satu	2%
Hilang kekal pendengaran kedua-dua telinga dan pertuturan		100%
Hilang pendengaran	- kedua-dua belah telinga	75%
	- sebelah telinga	15%
Hilang pertuturan	-	50%
Kependekan tangan	- lebih dari 1" sehingga 2" (inci)	2.5%
	- lebih dari 2" sehingga 4" (inci)	5%
	- lebih dari 4" (inci)	12.5%
Kependekan kaki	- lebih dari 1" sehingga 2" (inci)	5%
	- lebih dari 2" sehingga 4" (inci)	10%
	- lebih dari 4" (inci)	25%

3. Berapakan premium yang perlu saya bayar?

Premium Bulanan

Premium	Jumlah (RM)
Premium bulanan bagi setiap orang	5.00

Nota : Premium tertakluk kepada Cukai Perkhidmatan

4. Apakah yuran dan bayaran yang perlu saya bayar?

Jenis	Jumlah (RM)
Cukai Perkhidmatan	8% daripada premium

Nota: Amaun Cukai Perkhidmatan ("CP") di sini mungkin tertakluk kepada perubahan kerana kadar CP yang digunakan hendaklah berdasarkan semasa mengikut undang-undang Malaysia.

5. Apakah terma dan syarat utama yang harus saya ketahui?

(a) Kepentingan pendedahan

• Kontrak Insurans Pengguna

Penurut Perenggan 5 Jadual 9 di bawah Akta Perkhidmatan Kewangan 2013, sekiranya anda memohon Insurans ini sepenuhnya bagi **tujuan yang tidak berkaitan dengan perdagangan, perniagaan atau profesion anda**, anda mempunyai kewajiban mengambil penjagaan munasabah supaya tidak membuat salah nyataan semasa menjawab soalan-soalan di dalam Borang Cadangan dan/atau semua soalan-soalan yang dikehendaki oleh Allianz dengan penuh dan tepat dan mendedahkan apa-apa perkara lain yang anda ketahui berkaitan dengan keputusan kami dalam menerima risiko dan dalam menentukan kadar dan terma yang hendak dipakai, jika sebaliknya ini boleh menyebabkan kontrak terbatal, penolakan atau pengurangan tuntutan, penukaran terma atau penamatan kontrak.

• Kontrak Insurans Bukan Pengguna

Menurut Perenggan 4(1) Jadual 9 di bawah Akta Perkhidmatan Kewangan 2013, sekiranya anda memohon Insurans bagi **tujuan berkaitan dengan perdagangan, perniagaan atau profesion anda**, anda mempunyai kewajiban untuk mendedahkan apa-apa perkara yang anda ketahui sebagai berkaitan dengan keputusan kami dalam menerima risiko dan dalam menentukan kadar dan terma yang hendak dipakai dan apa-apa perkara yang seorang yang munasabah dalam hal keadaan itu boleh dijangka untuk tahu sebagai berkaitan, jika sebaliknya ini boleh menyebabkan kontrak terbatal, penolakan atau pengurangan tuntutan, penukaran terma atau penamatan kontrak.

Kewajipan pendedahan ini bagi Kontrak Insurans Pengguna dan Bukan Pengguna akan berterusan sehingga masa kontrak tersebut dibuat, diubah atau diperbaharui. Anda juga mempunyai kewajiban memaklumkan kepada kami dengan segera sekiranya pada bila-bila masa, selepas kontrak insurans dibuat, diubah atau diperbaharui dengan pihak kami, sebarang maklumat yang diberikan adalah tidak tepat atau telah berubah.

(b) Perlindungan Polisi dan Bayaran Premium

Ia adalah syarat bahawa premium yang perlu dibayar mesti dibayar dan diterima oleh Allianz sebelum perlindungan dimulakan. Perlindungan anda secara automatik terbatal dan tidak sah jika syarat ini tidak dipatuhi.

(c) Kelayakan

- (i) Orang yang Diinsuranskan mestilah warganegara Malaysia, pemaustautin tetap Malaysia, pemegang pas atau berkerja secara sah di Malaysia atau menetap secara sah di Malaysia, berumur dari lapan belas (18) tahun hingga tujuh puluh (70) tahun, dan merupakan pemegang kad Touch 'n Go yang telah memautkan kad Touch 'n Go dengan Touch 'n Go eWallet sepanjang tempoh insurans.
- (ii) Orang yang Diinsuranskan dihadkan kepada hanya satu permohonan bagi setiap Orang yang Diinsuranskan untuk tempoh insurans tertentu. Sekiranya Orang yang Diinsuranskan telah mengemukakan lebih daripada satu permohonan, permohonan terawal akan diguna pakai dan mana-mana permohonan berikutnya akan terbatal dan Allianz akan membayar balik jumlah premium yang telah dibayar untuk permohonan berikutnya.

6. Apakah pengecualian utama di bawah polisi ini?

Polisi ini tidak melindungi kematian atau sebarang Kecederaan atau Hilang Upaya Kekal secara langsung atau tidak langsung yang disebabkan oleh atau berkaitan dengan mana-mana yang berikut:

- (a) Peperangan, pencerobohan, tindakan musuh asing, aktiviti jenayah atau pengganas, permusuhan (sama ada perang diisytiharkan atau tidak), perang saudara, pemberontakan, revolusi, pemberontakan, ketenteraan atau rampasan kuasa;

- (b) Kurang-siuman, membunuh diri, kecederaan diri yang disengajakan atau sebarang percubaan untuk melakukannya;
- (c) Mabuk melebihi had undang-undang berhubung dengan sebarang kesalahan memandu dan/atau apabila berada di bawah pengaruh dadah haram;
- (d) Sebarang bentuk penyakit, jangkitan atau parasit dan Sindrom Kurang Daya Tahan Melawan Penyakit (AIDS) atau Kompleks Berkaitan AIDS (ARC) atau Human Immunodeficiency Virus Infection (HIV);
- (e) Melahirkan anak, keguguran, atau sebarang komplikasi kehamilan, melainkan hanya disebabkan oleh Kemalangan;
- (f) Pembunuhan atau serangan yang diprovokasi;
- (g) Semasa dalam perjalanan dalam pesawat yang dilesenkan untuk perkhidmatan penumpang sebagai anggota anak kapal;
- (h) Semasa melakukan atau cuba melakukan apa-apa perbuatan yang menyalahi undang-undang;
- (i) Semasa menyertai mana-mana sukan profesional;
- (j) Seni mempertahankan diri atau tinju, aktiviti udara termasuk payung terjun dan sukan geluncur angin, aktiviti bawah air melebihi lima puluh (50) meter kedalaman, mendaki gunung yang melibatkan penggunaan tali atau panduan mekanikal;
- (k) Perlumbaan (selain berjalan kaki), percubaan membuat rentak, kelajuan atau kebolehpercayaan;
- (l) Pengionan, sinaran atau pencemaran oleh radioaktiviti, bahan senjata nuklear; dan
- (m) Menunggang/memandu tanpa lesen memandu yang sah.(NOTA: ini tidak terpakai kepada individu yang mempunyai lesen tamat tempoh tetapi tidak hilang kelayakan daripada memegang atau mendapatkan lesen memandu tersebut di bawah peraturan Jabatan Pengangkutan Jalan Malaysia atau mana-mana undang-undang lain yang berkaitan).

7. Bolehkah saya batalkan polisi ini?

- (a) Anda boleh menamatkan **Polisi** anda dengan memberikan notis bertulis kepada Allianz. Walau bagaimanapun, penamatan akan berkuat kuasa pada tarikh setelah tamatnya tempoh insurans anda tanpa mengira tarikh notis diterima atau sebarang tarikh yang dinyatakan dalam notis tersebut dan perlindungan akan tamat pada tarikh terakhir **Tempoh Insurans** dan premium yang telah dibayar untuk perlindungan tersebut tidak akan dikembalikan.
- (b) Penamatan oleh Pemegang Polisi
Jika **Pemegang Polisi** memberi notis kepada **Syarikat** untuk menamatkan **Polisi** ini, penamatan tersebut akan berkuat kuasa pada tarikh notis diterima atau pada tarikh yang dinyatakan dalam notis tersebut, yang mana-mana yang kemudian. Walaupun **Polisi** ini ditamatkan, perlindungan individu bagi **Orang Yang Diinsuranskan** yang masih wujud pada tarikh penamatan **Polisi** ini akan terus berkuat kuasa sehingga tamat **Tempoh Insurans** dan premium yang dibayar untuk perlindungan tersebut tidak akan dikembalikan.
- (c) Penamatan oleh Allianz
Sekiranya **Syarikat** menamatkan **Polisi** ini atau mana-mana perlindungan individu di bawah **Polisi** ini, mengikut mana-mana yang berkenaan, menurut Syarat 17 (Salah Nyataan atau Peninggalaan Fakta Penting) atau melalui perintah pihak berkuasa kawal selia atau kerajaan, **Syarikat** hendaklah memberi notis mengenai penamatan melalui pos berdaftar kepada **Pemegang Polisi** atau **Orang Yang Diinsuranskan**, mengikut mana-mana yang mungkin, di alamat surat-menyurat terakhir masing-masing yang diketahui di Malaysia. Penamatan tersebut hendaklah berkuat kuasa tiga puluh (30) hari selepas tarikh notis tersebut.

Walaupun **Polisi** ini ditamatkan, perlindungan individu **Orang Yang Diinsuranskan** yang masih wujud pada tarikh penamatan **Polisi** ini akan terus berkuat kuasa sehingga tamat **Tempoh Insurans** dan premium yang dibayar untuk perlindungan tersebut tidak akan dikembalikan.

- (d) Penamatan Automatik Perlindungan Individu
Perlindungan **Orang Yang Diinsuranskan** akan luput/ditamatkan apabila berlaku mana-mana terdahulu yang berikut:
 - (i) pada waktu tengah malam (waktu standard Malaysia) pada hari terakhir **Tempoh Insurans** walaupun **Orang Yang Diinsuranskan** mencapai umur tujuh puluh satu (71) tahun pada bila-bila masa dalam **Tempoh Insurans**;
 - (ii) apabila **Orang yang Diinsuranskan** tidak lagi memautkan kad Touch 'n Go ke Touch 'n Go eWallet; atau
 - (iii) selepas kematian **Orang Yang Diinsuranskan**.

8. Apakah yang harus saya lakukan jika terdapat perubahan dalam butiran peribadi saya?

Adalah penting untuk anda memaklumkan kepada pihak kami tentang sebarang perubahan dalam alamat dan butiran peribadi anda untuk memastikan bahawa semua surat-menyurat sampai kepada anda tepat pada masanya. Anda boleh memberitahu ejen berdaftar, cawangan atau khidmat pelanggan kami.

9. Bagaimanakah cara membuat tuntutan?

Anda boleh layari allianz.com.my untuk panduan tuntutan. Anda dinasihatkan untuk memgemukakan tuntutan anda (jika ada) kepada kami secepat mungkin.

10. Di manakah saya boleh dapatkan maklumat dengan lebih terperinci?

Jika anda mempunyai sebarang pertanyaan, sila hubungi kami di:

Allianz Customer Service Center

Allianz Arena
Ground Floor, Block 2A, Plaza Sentral
Jalan Stesen Sentral 5, Kuala Lumpur Sentral
50470 Kuala Lumpur.
Allianz Contact Center: 1 300 22 5542
Email: customer.service@allianz.com.my
Facebook: [AllianzMalaysia](#)
Website: allianz.com.my

11. Lain-lain jenis perlindungan Kemalangan Diri yang boleh didapati:

- (a) Allianz Shield Plus
- (b) Allianz Lifestyle Protect

NOTA PENTING:

ANDA DINASIHATKAN UNTUK MEMBERI PERHATIAN MENGENAI SKALA FAEDAH-FAEDAH UNTUK KEMATIAN DAN HILANG UPAYA DALAM POLISI INSURANS ANDA. ANDA PERLU MEMBACA DAN MEMAHAMI POLISI INSURANS INI DAN MENGHUBUNGI SYARIKAT INSURANS UNTUK MAKLUMAT LANJUT.

Informasi yang disediakan dalam lembaran pendedahan ini adalah sah bermula 01/03/2024.